

البنّت غير الجدع
أغلي من الألماس
حنانها في اتزرع
من وسط كل الناس
لو أبوها كان فلاح
و إحتاج خلاص يرتاح
بيلاقي بنته معاه
بإديها شايله الفاس
البنّت غير الجدع
أغلي من الألماس
لو أبوها كان عامل
يوماتي بالإجره
تفضل كدا تحاول
و تجيب له 100 فكره

ازاي تشيل غلبه
و تشيل وجع قلبه
لو عينه يوم تتعب
من كتر حر الشمس
تجري عليه تحميه
م الشمس بالكراس
البنت غير الجدع
أغلي من الألماس
أبوها لو معلول
تلاقيها بنت أصول
تقضي حياتها معاه
تسمع أنين شكواه
دايماً في وقت دواه
جايب له مايه في كاس
البنت نعمة ربنا
علي كل أب و أم
طول ما حنانها يضمنا

ما تشيلش خالص هم
البنّت غير الجدع
أغلي من الألماس
البنّت دي جوهره
معجونه بالإحساس